

www.BibleForChildren.org



Yohana 14



Yesu nakawalonjela, "Mleche kusumajila mnhumbula za hemwe. Mumkunde Nguluwi, mng'hunde na heni. Kaye kwa Mhaza wa heni kuna honhu henji ha kikala, wone hayali ahyo, nandahawalonjeleni."




“Sambi ndanguluta kuwawichila honhu. Wone ndute kuwawichilani goya honhu ha hemwe, ndohiluka kuwahola nene, na mochikala honhu hondikale heni.”



Heni nda Yohana, mng'holozenu, kwa nzila ya
kilumba na Yesu, nda hamwe na hemwe kuli
kugazigwa kuli undewa wa heye na


kwimilila ng'hatu.




Heni nanyilikwa kuli chihilwa chiwelenguchemigwa
Patimo kwa vila ndali ndidamla ulonzi wa Nguluwi
na kula kukomya koyagubule Yesu.



Baho du namemezwa na Muhe wa Nguluwi, nambona chigoda cha undewa chiwichigwa kula kilanga, na yumwe yekalise mchigoda chila.




Hamba nanyulika vilumbigwe vyeng'ha kilanga na muisi na hasi ha isi na mbahali vilonga, "Kwa heye yekalise kuli chigoda cha undewa, na kwa heye Mwanaing'holo, kuwe na lutogo na kuhulichizwa na ukulu na ludali, mazuwa gose na mazuwa gose."




Ndiwona muji welile, Yelusalemu inyale, udulika kulawa kwa Nguluwi kilanga. Nawali uwichigwe goya kota mdala yahesigwe yenolije kiting'hana na mlume wa heye. Kulawa baho nanyulika lizi likulu kulawa kuli chigoda cha undewa ilonga, "Gwela yoo!


Hakaye ha Nguluwi ndo hamwe na wanhu. Kochikala hamwe na hewo, na hewo wowa wanhu wa heye, na heye kowa Nguluwi wa hewo."



Hamba, mhilisi nakandajila Iwanda Iwa mazi galingigala ukomu galingupulika kota chilolelo, gangulawila mchigoda cha undewa cha Nguluwi na cha Mwanaing'holo.



Muji awo hambe ulape isanya ne nyelezi kuung'alichila,
mina ukulu wa Nguluwi wanguung'alachila na
Mwanaing'holo ndo lumuli lwa muji awo.



Ila kuduhuli chinhu choneche chiwele chihile chikwinjila amo, ne munhu yoneche yodita mbuli ya kuzudiza ama ya udesi hokwinjila amo.

Ndo wala hela wandichigwe kuli chitabu cha ukomu cha Mwanaing'holo ndo wokwinjila kuli muji awo.



"Heye kobagusa mahozzi ga hewo geng'ha, mina kubagama kowa kudukhuli ng'hatu na wala usungu na wala chililo na wala kutama, kwa vila vinhu vya mwaluko vipuluta!"




Haduhuli munhu ne chinhu choneche chipanjilwe na Nguluwi chiwa kuli muji awo. Chigoda cha undewa cha Nguluwi na cha Mwanaing'holo chowa kuli muji awo, na vitumagwa wa heye womfugamila.


Wochiwona meho kwa meho na heye, na itagwa Iya heye lyokwandikwa mli vihanga vya hewo.



Hamba, nandiwona wanhu wakulu kwa wadodo,
nawema hali chigoda cha undewa, na vitabu
vigubuligwa. Hamba chitabu chiyage, ndo chiwele
chitabu cha ukomu, nacho chogubuligwa kahi.
Wabagame wogazigwa kota vyogawele
madito ga hewo, kota vyoyandichigwe
mgati mwa vitabu avyo. Munhu
yoneche itagwa Iya heye
halyandichigwe kuli
chitabu cha ukomu,
nakatajigwa kuli
ilamba Iya chiluli.



Muhe wa Nguluwi na Mdala yalinguhesigwa,
wangulonga, "Uye!" Chila munhu yalinguhulika ali, na
yalonje, "Uye!" Yawele na ng'halu yoye na yalingugana
mazi ga ukomu nayahole ne kulavya sendi.



Nguluwi nakawagana wanhu wa
isi, mbaka kamigala Mwanage
yaliyeng'ha leka chila munhu
yomkunda yaleche kubagama
ila yawe na ukomu wa
mazuwa gose ne
kuduma.



Waloma 3:23 Wanhu weng'ha wadita gehile na wamalilwa
na ukulu wa Nguluwi.

Waloma 6:23 Mina chonolo cha gehile ndo kubagama, ila
ndolendole yalingulavya Nguluwi ndo ukomu wa mazuwa
gose kuli kilumba na Yesu Kilistu, Mkulu wa hetwe.

Waebulaniya 9:27 Lelo wone vila chila munhu kobagama
mala imwe hela, hamba kokwima kumwando hali
utaguso wa Nguluwi,

Waefeso 2:8,9 Mina kwa kunoga kwa Nguluwi, mloholigwa
kwa makundo. Makundo ago hagalawile na kigayila kwa
hemwe, ila ndo ndolendole za Nguluwi. Na hambe lilawile
na madito ga hemwe baho, yaleche munhu
yoneche kidayila chinhu.



Waloma 10:9,10 Houvumila kwa mlomo wa hegwe kuta Yesu ndo Mkulu na kukunda mnhumbula ya hegwe kuta Nguluwi nakamzilipula kuli wanhu wabagame, kolohoka. Mina munhu kangukunda kwa nhumbula kanguditigwa yatanganiche na kuvumila kwa mlomo leka yaloholigwe.

Yohana 3:16,17 Nguluwi nakawagana wanhu wa isi, mbaka kamigala Mwanage yaliyeng'ha leka chila munhu yomkunda yaleche kubagama ila yawe na ukomu wa mazuwa gose ne kuduma. Nguluwi hamwigale Mwanage kuli isi leka yawataguse wanhu, ila kamigala yawalohole.



1 Yohana 5:11-13 Na ulolezi wuwo ndo awu, Nguluwi nakatupa Ukomu wa mazuwa gose ne kuduma na ukomu awo ndo wa mli mwanage. Yoneche yawelengumkunda Mwana wa Nguluwi kanawo ukomu awo, na yohambe yamkunde Mwana wa Nguluwi, kahela ukomu.

Ndanguwandichila leka muwe mvizela kota mwanawo ukomu wa mazuwa gose ne kuduma hemwe mlingukunda mli itagwa Iya Mwana wa Nguluwi.



Yohana 14; 2 Kolinto 5; Ugubulo 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Vidunda Bible (vid) © 2014 Pioneer Bible Translators and
The Word for the World Old Testament books © 2018
Pioneer Bible Translators

<https://www.bible.com/bible/1221/GEN.1.CHIVIDUNDA>

©2026 Bible for Children, Inc.

www.M1914.org

www.bibleforchildren.org

